

UGOVOR

o nabavci usluge osiguranja imovine

zaključen između:

USTAVNI SUD BOSNE I HERCEGOVINE, Džemaludina Čauševića 6, Sarajevo, koga zastupa predsjednik Ustavnog suda BiH, Mirsad Ćeman, (u daljem tekstu: Osiguranik)

i

TRIGLAV OSIGURANJE D.D., Dolina br. 8, Sarajevo, koga zastupa Edin Muftić, direktor (u daljem tekstu: Osiguravač)

Član 1.

Predmet ovog ugovora je pružanje usluga osiguranja imovine za potrebe Ustavnog suda Bosne i Hercegovine, prema definisanim uslovima iz tenderske dokumentacije broj P3-55/17 od 20. i 27. januara 2017. godine i prema sadržaju ponude broj 08-1941/17 od 8. februara 2017. godine sa kojom je Osiguravač učestvovao u provedenom postupku konkurentskog zahtjeva za dostavljanje ponuda i koja je sastavni dio ovog Ugovora.

Pod imovinom se podrazumijevaju stalna sredstva i oprema Osiguranika, koji se vode u knjigama Osiguranika.

Član 2.

Obaveze ugovornih strana regulisane su uslovima, koji su sastavni dio ovog ugovora, i to:

- 1) Opšti uslovi za osiguranje od požara i nekih drugih opasnosti (civil i industrija),
- 2) Opšti uslovi za osiguranje mašina od loma.

Član 3.

Ugovor se zaključuje na određeno vrijeme, za period trajanja osiguranja od 12 mjeseci, sa početkom primjene od 14. marta 2017. godine.

Član 4.

Ukupna premija osiguranja iz ponude Osiguravača iznosi 1.713,20 KM bez PDV-a. Polica osiguranja se plaća u dvanaest (12) jednakih mjesečnih rata.

Član 5.

Osiguranik će račun ovjeren od strane Osiguravača za usluge osiguranja plaćati posredstvom jedinstvenog računa budžetskih institucija Bosne i Hercegovine, putem Ministarstva finansija i trezora BiH, u roku od 7 dana po prijemu fakture.

Osiguravač je saglasan da Osiguraniku neće zaračunavati kamate za zakašnjenje prilikom plaćanja preko Trezora, ako je Osiguranik u gore ugovorenom roku predao nalog za plaćanje Trezoru BiH.

Član 6.

Osiguravač se obavezuje da će čuvati tajnost podataka Osiguranika koji mu budu prezentirani prilikom ocjene i revizije rizika, prilikom zaključivanja polica osiguranja, rješavanja odštetnih zahtjeva kao i tajnost podataka koji budu uneseni u police osiguranja i njihove priloge.

Osiguranik se obavezuje da će čuvati tajnost podataka iz Tarifa premija i Uslova osiguranja Osiguravača, kao i uslove pod kojima je zaključio ovaj ugovor i police osiguranja, a naročito u odnosu prema drugim osiguravajućim društvima.

Član 7.

Kada se dogodi osigurani slučaj, Osiguravač je dužan isplatiti naknadu iz osiguranja u roku od 1 dan od dana kompletiranja dokumentacije.

Član 8.

Sastavni dio ovog ugovora osim ponude navedene u članu 1. čine:

1. police osiguranja,
2. opšti uslovi za osiguranje od opasnosti požara i nekih drugih opasnosti,
3. opšti uslovi za osiguranje mašina od loma.

Član 9.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima u BiH.

Član 10.

Sve eventualne sporove ugovorene strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 11.

Ovaj ugovor stupa na snagu danom potpisivanja od obje ugovorne strane, sa početkom primjene od 14. marta 2017. godine.

Član 12.

Ovaj ugovor je sačinjen u četiri (4) istovjetna primjerka od kojih svaka strana zadržava po dva (2) primjerka.

Za Osiguravača



Edin Muftić
Direktor

Broj: 08-3097/17

Datum: 28-02-2017.g.

Za Osiguranika



Mirsad Čeman
Predsjednik

Broj: P3-55/17-I

Datum: 23.2.2017.